

## ՀԱՇՎԵՏՎՈՒԹՅՈՒՆ

2017 թվականի սեպտեմբերի 12-15-ը  
Ռուսաստանի Դաշնություն (Մոսկվա)  
գործուղման արդյունքների վերաբերյալ

### 1. Անունը, ազգանունը

Գագիկ Մկրտչյան

### 2. Զբաղեցրած պաշտոնը

Հայաստանի Հանրապետության տնտեսական զարգացման և ներդրումների նախարարի խորհրդական

### 3. Գործուղման վայրը և ժամկետները

Գործուղման վայրը՝ Մոսկվա (Ռուսաստանի Դաշնություն)

Գործուղման ժամկետները՝ 12.09.2017-15.09.2017

### 4. Հրավիրող կողմը

Եվրասիական տնտեսական հանձնաժողով

### 5. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը)

«Եվրասիական տնտեսական միության տարածքում թանկարժեք քարերի և թանկարժեք մետաղների նկատմամբ գործողություններ իրականացնելու առանձնահատկությունների մասին» համաձայնագրի նախագծի քննարկում:

### 6. Քննարկված թեմաները

- ԵԱՏՄ անդամ պետությունների միջև ոսկերչական արտադրանքի հարգադրոշմների փոխադարձ ճանաչման վերաբերյալ Համաձայնագրում տեղ գտած դրույթները
- նախորդ քննարկումներից բաց մնացած հարցեր:

### 7. Հանդիպումները, ելույթները, բարձրացված կամ քննարկված հարցերը

Ներկայումս ԵԱՏՄ անդամ պետությունները չեն ճանաչում միմյանց ոսկերչական արտադրանքի հարգադրոշմները, ինչը տվյալ արտադրանքի ԵԱՏՄ տարածքում շրջանառության ժամանակ դառնում է ավելորդ ծախսերի և ժամանակի կորստի պատճառ: Հարգադրոշմների չճանաչման խնդիրը Ռուսաստանի և Բելառուսի

ներկայացուցիչների կարծիքով այս բնագավառում ազգային օրենսդրությունների և արդյունքում հարգադրոշման պրոցեսի տարբերություններն են, որի հետևանքով իրենց կողմից առաջանում են այլ պետությունների հարգադրոշմների նկատմամբ վստահության խնդիրներ: Հայաստանի, Ղազախստանի և Ղրղզստան տեսակետները համընկնում էին և ուղղված են հարգադրոշմների փոխադարձ ճանաչմանը: Խորհրդակցության ընթացքում մեր կողմից բերվեցին հարգադրոշմների ճանաչման օգտին բազմաթիվ փաստարկներ (միջազգային փորձ, այլ ապրանքների հավաստագրերի համանմանություն և այլն), որոնք ընդունվեցին մասնակիցների կողմից:

#### **8. Հանդիպման կամ հավաքի ժամանակ ընդունված որոշումները պայմանավորվածությունները, ստորագրված փաստաթղթերը**

Հանդիպումների ընթացքում ձեռք են բերվել հետևյալ պայմանավորվածությունները.

- երկամսյա ժամկետում մշակել Համաձայնագրի մաս կազմող հավելված՝ դրանում ներառելով հարգադրոշման փոխադարձ ընդունելի այն պարտադիր նորմերը և պրոցեդուրաները, որոնք կբարձրացնեն այդ գործընթացի վստահությունը, առանց խաթարելու ազգային օրենսդրությունների հիմնական սկզբունքները: Այս դեպքում բոլոր մասնակիցները պատրաստ են ճանաչել միմյանց հարգադրոշմներն ու անվանանիշերը:
- Ղազախստան կողմն առաջարկեց մշակված փաստաթուղթը քննարկել այս տարվա դեկտեմբերին Աստանայում:

#### **9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները**

ՀՀ տնտեսական զարգացման և ներդրումների նախարարության կողմից սահմանված ժամկետում կմշակվեն և Եվրասիական տնտեսական հանձնաժողովին կներկայացվեն Համաձայնագրի համապատասխան հոդվածների նոր խմբագրմամբ տարբերակը և հավելվածի նախագիծը:

#### **10. Գործուղվողը**

Գագիկ Մկրտչյան

#### **11. Ստորագրությունը, ամսաթիվը**